



Broj: 13-11-4-4169/24

Datum: 05.07.2024. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinski načelnik d o n o s i

## ODLUKU o poništenju postupka javne nabavke

### I

Poništava se postupak javne nabavke „Izvođenje radova i ugradnja opreme na igralištu u naselju Kanara“.

### II

Za izvršenje ove Odluke zadužuje se Služba za zajedničke poslove.

### III

Odluka o poništenju postupka javne nabavke objavit će se na web stranici [www.novosarajevo.ba](http://www.novosarajevo.ba), u skladu sa članom 70. stav (6) i članom 71. Zakona o javnim nabavkama Bosne i Hercegovine.

### Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-4169/24 od 26.04.2024. godine.

Procijenjena vrijednost javne nabavke sa PDV-om je: 130.000,00 KM (slovima: stotintridesethiljada i 00/100 konvertibilnih maraka).

Obavještenje o javnoj nabavci broj: 935-1-3-90-3-175/24 objavljeno je na portalu javnih nabavki dana 15.05.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

Iz Zapisnika o otvaranju ponuda i Zapisnika o pregledu i ocjeni ponuda Komisije za javne nabavke roba, radova i usluga je vidljivo da je do dana 06.06.2024. godine pristigle ponude slijedećih ponuđača:

Redni broj	Naziv i sjedište ponuđača	Ukupna ponudena cijena sa PDV-om	Ponudeni popust
1.	BABEL d.o.o. Sarajevo	129.176,77 KM	0%
2.	FLEX INVEST d.o.o. Sarajevo	129.999,87 KM	0%

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije iz pristiglih ponuda u smislu provjere njihovih validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda u skladu sa pravilima i procedurama utvrđenim tenderskom dokumentacijom, Zakonom i podzakonskim aktima.

Komisija za javne nabavke roba, radova i usluga je izvršila evaluaciju pristiglih ponuda, te je konstatovala slijedeće:

Ponudu ponuđača BABEL d.o.o. Sarajevo Komisija je ocijenila kao **nepravilnu** iz sljedećeg razloga:

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: [zajednickiposlovi@novosarajevo.ba](mailto:zajednickiposlovi@novosarajevo.ba)

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

Tačkom 8.2.1 tenderske dokumentacije pod rednim brojem 21 navodi se: „Ponudač je uz ponudu dužan dostaviti kataloge u kojima će biti jasno naznačen tip nujenog materijala/opreme, usklađen sa kolonom iz obrasca “nudi se tip”. U suprotnom ponuda će se smatrati nepotpunom“.

U Obrascu za cijenu ponude (Aneks 3) u trećoj koloni tabele ponuđači su bili dužni upisati ponuđeni tip opreme za ponuđene stavke pod rednim brojem od 7 do 19. U napomeni obrasca za cijenu ponude nadalje se navodi sljedeće: „Ponudač je uz ponudu dužan dostaviti kataloge u kojima će biti jasno naznačen tip nujenog materijala/opreme, usklađen sa kolonom iz obrasca “Nudi se tip”. U suprotnom ponuda će se smatrati nepotpunom.“

Ponudač BABEL d.o.o. Sarajevo je u sklopu dostavljenog Obrasca za cijenu ponude propustio da popuni treću kolonu kojom je zahtijevano navođenje ponuđenog tipa opreme koji se nudi za stavke 7-9 Obrasca za cijenu ponude.

Također ponudač BABEL d.o.o. Sarajevo je propustio da dostavi kataloge za stavke pod rednim brojem 7-9 Obrasca za cijenu ponude, iako su iste zahtjevane tenderskom dokumentacijom.

Iz naprijed navedenih razloga, ponuda ponuđača BABEL d.o.o. Sarajevo se nije mogla uzeti u dalje razmatranje.

Ponudu ponuđača FLEX INVEST d.o.o. Sarajevo Komisija je ocijenila kao **nepravilnu** iz sljedećih razloga:

Tenderskom dokumentacijom pod rednim brojem 12 Obrasca za cijenu ponude zahtijevano je sljedeće:

„Nabavka, transport i ugradnja:

*Metalna kula za malu djecu.*

*Tlocrtne dimenzije: cca 3,0m\*3,5m*

*Sigurnosna zona: cca 42m<sup>2</sup>*

*Dozvoljeno odstupanje od dimenzija +/-5%“*

Ponudač FLEX INVEST d.o.o. Sarajevo je u sklopu dostavljenog Obrasca za cijenu ponude naveo da nudi proizvod 0114 VINCI PLAY. Uvidom u dostavljeni katalog ponuđača Komisija je konstatovala da se unutar istog navode dimenzije sigurnosne zone od 35,3 m<sup>2</sup>, dok je tenderskom dokumentacijom zahtijevana sigurnosna zona od 42m<sup>2</sup> sa dozvoljenim odstupanjem dimenzija od +/-5%.

Tenderskom dokumentacijom pod rednim brojem 12 Obrasca za cijenu ponude zahtijevano je sljedeće:

„Nabavka, transport i ugradnja:

*Metalna ljučjačka sa dvije sjedalice (basic+baby).*

*Basic sjedalica, dimenzija cca 450x160x27,5 mm, i baby sjedalica dimenzija cca 450x315x230 mm, za noseću gredu su povezane putem lanaca i nosača.*

*Dozvoljeno odstupanje od dimenzija +/-5%“*

Ponudač FLEX INVEST d.o.o. Sarajevo je u sklopu dostavljenog Obrasca za cijenu ponude naveo da nudi proizvod BS105 POLFISAN. Uvidom u dostavljeni katalog ponuđača Komisija je konstatovala da se unutar istog ne navode dimenzije sjedalice koje ponudač nudi uz dozvoljeno odstupanje od +/-5%.

Iz naprijed navedenih razloga, ponuda ponuđača FLEX INVEST d.o.o. Sarajevo se nije mogla uzeti u dalje razmatranje.

Komisija za javnu nabavku roba, radova i usluga, jednoglasno je predložila Općinskom načelniku da u skladu sa odredbama člana 69. stav (1) tačka b) Zakona o javnim nabavkama, a u vezi sa članom 69. stav (2) tačka d) Zakona o javnim nabavkama donese Odluku o poništenju postupka javne nabavke

radova „Izvođenje radova i ugradnja opreme na igralištu u naselju Kanara“ jer nijedna pristigla ponuda nije prihvatljiva.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

**Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107.

Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

**OPĆINSKI NAČELNIK**

**Dr. Hasan Tanović**



DOSTAVLJENO:

- BABEL d.o.o. Sarajevo
- FLEX INVEST d.o.o. Sarajevo
- a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



